

# **Yesux Laig Daux Veng Yerusalem**



**Lukax 19:28-42; 22:1-6**



**Illustrations by Sweet Publishing <http://sweetpublishing.com/>**

This work is licensed under the Creative Commons Attribution-ShareAlike 3.0 Unported License.

To view a copy of this license, visit <http://creativecommons.org/licenses/by-sa/3.0/> or send a letter to Creative Commons, 444 Castro Street, Suite 900, Mountain View, California, 94041, USA.

**Scripture passages are from the New English Translation**

The introduction and study questions were developed by Michelle Miller and Pang Snta' to be used with an audience of elementary-age children or with new believers who have limited background knowledge of the Scriptures. The goal of the questions is to help people engage with the Bible stories through a discussion format. The questions in this guide may be freely adapted as deemed appropriate for a particular audience.

**Translated to the Wa language by:**

**Yex Ka Lin**

**Ai Sang Awng**

Edition : First edition

Date : September, 2015

**Wa Scripture passages are from The Holy Bible in Wa (2012)**



## Puag Pua Pa Koe Plak Khaix


Yam dex hoek bawg yam sang kham Yesux ti yum piang khaix lhak, Yesux pai pui koe jhawm saux moi mai sidiex gau kix ka grawng Siyiex been loe num. Pui tom nie moh ka Yesux mai keud pot jun pot son sang mawh Nawh Simiang Isarilax. Viang mawh nan pharishie keid song rhawm ka Yesux. Kheu Pharisie ang yum rhawm ka mawh Yesux kawn Siyiex, kix song rhawm kheu ah Yesux tokaux Tix mawh Kawn Siyiex.

*Krax pa Nih Nai Krai Lao Tau -*


Sax jhak maix vawng lih krax daux riieng im(TV) lie? Nawh lih krax huh ka mawx? Pui khankix rieb ka nawh huh ka mawx?

Kadaux been in , ex tag yaox grawng Yesux laig daux veng Yerusalem son sang laig daux poi Pasakha bawg ghoik heue. Ex jhak yaox, pui rieb Yesux huh ka mawx yam laig Nawh daux veng Yerusalem.





<sup>28</sup> Yam hoik krai Nawh ceu an, Nawh thong  
kix hu sivoe haok ka veng Yerusalem. <sup>29</sup> Yam  
hoek Nawh dex yaong Bephake mai yaong  
Betanix, ka gawng pa kok mawh gawng Sanlun,  
Nawh ploi kawncau Nawh hu ra kaux, <sup>30</sup> ah nin,  
“Hu ka daux yaong pa koe sivoe pax mai yam  
laig pax ka daux yaong an,




pax tag yaox kawn la pa hoik phyawk tan, pa ang pui sax brug piang heue. Kah pax viex nawh hoek heue.<sup>31</sup> Phan pui tix kaux kaux chawk pax, pax lai kah kawn la in yuh ka mawx? Pax tag deeh ah nin, Simiang lo nawh heue.”



<sup>32</sup> Kiex pa hoik ploi, hu yaox awm pa hoik krai Nawh Cao ka kiex heue. <sup>33</sup> Yam kawn tak kah kiex kawn la an, cao la an khankix, chawk kiex ah nin, “Pax lai kah la in yuh ka mawx?”

<sup>34</sup> Kiex deeh ah nin, “Simiang lo nawh heue.”




<sup>35</sup> Kiex viex la an hoek ka Yesux mai kix teei kraung ceep tix, sau ka piang la an mai Nawh Cao brug ka piang heue. <sup>36</sup> Yam hu Nawh Cao, kix teei kraung ceep tix nah ti tawm ka daux krax heue.




<sup>37</sup> Yam hoek Nawh Cao dex ka veng  
Yerusaliem mai lih jee gawng Sanlun, cub  
kawncau pa hun khawmuik, koe krax gaux  
rhawm mai yaog yaw Siyiex ka lox sinum,  
grawng kaing sibrawm pa hoik yaox kix  
khankix,



<sup>38</sup> ah nin, “Simiang pa hoek ka daux ceu kaux Siyiex leeing ju, ting buanson heue. Kieh nhim ka daux meung raoma, kieh koe min plak ngai dee lhaong khaing paox tix heue.”



<sup>39</sup> Pharishie tix blah pa ot ka daux cub pui hun an, ah nin ka Nawh Cao, “Sara Cao Gau eue, ne ka kawncau Maix khankix.” <sup>40</sup> Nawh Cao deeh pawk lox ah nin ka kix, “Aux krai ka pex, phan pui khankix yawg tix ang nye, simaox rang khankix tak sang riag yo lox tix heue.”




<sup>41</sup> Yam hoek bleeh Nawh dex veng  
Yerusaliem mai yaox veng an, Nawh yjiem,  
<sup>42</sup> ah nin, “Phan maix hoik tawng ceu pa  
dex dawt mai pa nhim daux singaix in, viang  
mawh nan yam in maix ang pon yaox heue.




## Baux 2: Lukax 22


<sup>1</sup> Yam an dex hoek poi blah pa ang sau susaix, pa kok mawh Pasakha. <sup>2</sup> Cao giex kaing li pa ting mai cao tiiem lai khankix, sawg grawng ceu pa sang pon kix ti teei Nawh Cao yum, mawh kheu kix lhat ka pui khankix heue.



<sup>3</sup> Satan laig ka daux Yudax pa kok mawh Isakariut, pa mawh daux kao ra kaux tix kaux an heue.



<sup>4</sup> Nawh lih hu kum kawng mai cao giex  
kaing li pa ting khankix mai cao giex kaing  
nyiex buan khankix, grawng sang pon nawh ti  
tawx Nawh Cao ka kix yuh ka mawx.



<sup>5</sup> Kix gaux rhawm, ah lox dud grawng sang tawx kix mau ka nawh heue. <sup>6</sup> Nawh cu lox an mai sawg bawg yam son sang pon ti tawx Nawh Cao ka kix, yam ang cub pui hun ot heue.

## **k. Deeh Thawk Theng**

1. Yesux cau kawn cau tix khankix hu teei pa tix son Nawh yam dex sang bleeh kix ka veng Yerusalem?
2. Yam brug Yesux La laig daux veng Yerusalem, pui khankix yuh pa tix? Kix ah pa tix?
3. Parishie nhie Yesux krai pa tix ka kawn cau khankix?
4. Daux rhawm Yesux koe yuh ka mawx yam jhak Nawh ka veng Yerusalem?
5. (Luxka – 22) Mawh cub mawx pa simie tix grheu ka Yesux?
6. Satan laig ka daux pui mawx?
7. Mawh kheu jao pa tix cao giex kaing nyiex buan tawx mau ka Yudax Isakariut?

## **kh. Krax Pa Doh Rhawm Ka Been**

1. Mawh kheu jao pa tix grawng pa teei kawn cau La, lih tix mawh awm pa krai Yesux ka kix?
2. Mawh kheu jao pa tix pui khankix kok Yesux mawh “Simiang” yam laig Nawh daux veng Yerusalie?
3. Mawh kheu jao pa tix Phrishie simie Yesux krai ka kawn cau khankix son ang lai yaog yaw ka Nawh?
4. Mawh kheu jao pa tix Yudax Isakariut khaw rhawm ti teem ka cao giex kaing li son sang giex ka Yesux?

## **G. Krax Pa Deeh Shiao Daux Ju Tix Khaing Been**

1. Koe grawng pa sang yaog yaw ka Yesux tix ceu ceu lie? Ex chix tawx krax nap yam yuh ka mawx kah Yesux?
2. Yudah Isakariut moh mau khaing hawt khaix Yesux, mawh ceu pa tix pa nyaw glaw ex son ang ex hawt khaix Yesux?
3. Ex pon rieb gau ceu pa tix khaing grawng Yesux?
4. Son sang shiao koe buan son kadaux ju ex pon rieb gau ceu pa tix khaing been in?

## **Ng. Ceu Pa Pon Rieb Gau Khaing Been In**

1. Yesux tawng ku ceu khawm uik pa sang lih tix mawh son Nawh mai Nawh hawt ka alo pa hoik khre Siyiex.
2. Yesux mawh pa keung khaw ex tix yaog yaw mai krub.
3. Ex caw ti priex rhawm tix son ang hawt khaix mau (a) rhawm pa simie ex ti cie tix ceu ceu piang haktiex pa chix tok ex hu ka daux phimap.

## **Baux Lai Pa Caw Ti Ci**

Lukax 19:38 “Simiang pa hoek ka daux ceu kaux Siyiex leeing ju, ting buanson heue. Kieh nhim ka daux meung raoma, kieh koe min plakngai dee lhaong khaing paox tix heue.”